



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. V. Protestationes S. Caroli Borromei utilissimè Infirmis prælegendæ.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

potest. Qui cum Patre & Spiritu sancto vivis & regnas DEUS in sæcula sæculorum. R. Amen.

M E M B R U M V.

Protestationes S. Caroli Borromæi utilissimæ
Infirmis prælegendæ.

P R O T E S T A T I O I.

IN nomine Sanctissimæ Trinitatis, Patris, & Filii, & Spiritus sancti, ego infelix & miser peccator, protestor in præsentia tua, ô Angele DEI, assignata mihi à Divina Majestate pro ductore, cum primò natus sum, velle & desiderare me mori in ea sola vera & Catholica fide, quam Sancta Romana, & Apostolica tenet, & profitetur Ecclesia, & in qua omnes Sancti, quotquot fuerunt unquam uspiam, mortui sunt; nec desidero diutius vivere, quàm placeat Deo meo, cui omnem meam voluntatem integrè & toto subijcio.

P R O T E S T A T I O II.

Protestor etiam, ô Angele DEI, desiderate & precor, ne me sub tua sancta custodia ac protectione, recedere ex hac vita, cum spe Divinæ misericordie sine ulla titubatione in fide, non obstante quacunque multitudine, & gravitate peccatorum meorum, certò sciens, ac firmissimè credens, etiam unam solam guttam pretiosissimi Sanguinis Domini nostri Jesu Christi sufficientem futuram fuisse, non solum ut me salvaret, sed universum etiam genus humanum, quin & mille mundos, si ita placitum fuisset Divinæ suæ Majestati.

P R O T E S T A T I O III.

Similiter protestor, ô Angele Sancte, petere me ut sintimo corde, participem fieri misericordie De-

demptoris, & Domini mei JESU, remissionemque omnium peccatorum meorum consequi, sciens, quod ipse eam nulli peccatori quantumvis gravi, & abominabili, neget, rite contrito & confesso, idque per & propter merita amarissimæ suæ passionis, & mortis, & virtutem pretiosissimi sanguinis sui pro me indignissimo in ligno crucis copiosè effusi; per merita demum sanctissimæ matris suæ, Virginisque MARIÆ, & omnium Sanctorum & Angelorum.

PROTESTATIO IV.

Iterum protestor, Sanctissime mi Custos supplicare me divinæ pietati, ut dignetur me recipere in numerum eorum, quos ab æterno prædestinavit in suam gloriam: etiamsi oporteret me pati ob peccata mea in purgatorio ad novissimum usque judicij diem, dummodo tandem per ipsius infinitam misericordiam, consequar vitam æternam.

PROTESTATIO V.

Sanctissime & vigilantissime Custos, protestor deum, constituere me te procuratorem testamenti, & ultimæ voluntatis animæ meæ, ad impetrandum mihi à Domino meo JESU tres gratias. Prima est, ut mihi donet unum solum lachrymosum suspirium ex infinitis illis, quæ habuit ipse, dum per tres horas vivus fuit in cruce, quorum efficaciam & virtute mitigentur lacrymabiles illi singultus, cordisque pressuræ, & angustia, quibus in hora mortis affligar. Et ut gloriosissima Mater DEI MARIA dignetur me vel unico etiam aspectu ex ijs, quos ipsa sub cruce stans habuit, defigendo in unicum filium suum virginæ oculos; suscipiendo me in eorum numerum, qui ejus precibus, & meritis in die judicij obtinebunt.

bunt salutem, & vitam sempiternam. Altera gratia est, ut tu, fidelissime Custos meus, in illa potissima hora mihi succurras, quando anima mea separabitur à corpore meo, ut inveniam benignum Iudicem merito flagrantissimæ illius charitatis, quæ per ipsum ipsius pectus in cruce fuit inflammatum pro salute peccatorum. Ultima demum gratia est, ut idem piissime Custos meus, animam meam tibi commendas, eamque de ergastulo corporis egressam, dextræ tuæ potentiâ Redemptori meo offeras, ut eum unâ tecum, & Sanctis omnibus in Cæli gaudiis videam, perfectè amem, eoque æterniter fruam, cui sit laus, honor, & gloria in omnem æternitatem, Amen.

MEMBRUM VI.

Orationes pro Moribundo dicendæ.

AD SS. TRINITATEM.

TE summa DEUS Trinitas, omnipotens atque DEUS, qui es semper, & per omnia Deus benedictus in sæcula, quem omnis spiritus laudat, simpliciter deprecamur, ut per meritum illius ineffabilis & excellentissimæ Charitatis, quæ dilectissimi Filii tui Dominus noster JESUS Christus, hæc fieri dignatus est: quæ etiam pro salute nostra, pro eula, opprobria, convitia, flagella, sputa, alapas, coronam spineam, ac amarissimam mortem amaram passus est: ac etiam per meritum gloriosissimæ, beatissimæ Virginis Mariæ, & omnium Sanctorum qui tibi ab initio mundi placuerunt: nec non per virtutem clavium spiritualium, quas clementissimus bone JESU, Ecclesiæ tuæ Ministris tradidisti, huic famulo tuo in extremis laboranti, misericorditer